



Ein cyf/Our ref: MA-LG-4511-20

Elin Jones, AS/MS
Llywydd
Senedd Cymru
Bae Caerdydd
CAERDYDD
CF99 1SN

5 Ionawr 2021

Annwyl Lywydd,

Rheoliadau Paratodau Cig (Diwygio ac Addasiadau Darfodol) (Cymru) (Ymadael â'r UE) 2021

Yn unol ag adran 11A(4) o Ddeddf Offerynnau Statudol 1946, fe'ch hysbysaf y daw'r offeryn statudol hwn i rym ar 6 Ionawr, llai nag 21 diwrnod ar ôl iddo gael ei osod. Atodir Memorandwm Esboniadol ar gyfer y Rheoliadau hyn er gwybodaeth.

Diben yr offeryn hwn yw atal dros dro y gofyniad i baratodau cig a fewnforir i Gymru o sefydliadau a leolir yn Aelod-wladwriaethau'r AEE, Ynysoedd Ffaröe, Kalaallit Nunaat (Greenland) neu'r Swistir fod wedi'u rhewi'n ddwfn.

Dim ond ar ôl diwrnod cwblhau'r cyfnod gweithredu y daeth y pŵer galluogi ar gyfer datgymhwysu'r gwaharddiadau a'r cyfyngiadau ar baratodau cig ar gael, gyda Rheoliadau Rheolaethau Swyddogol (Anifeiliaid a Bwyd Anifeiliaid, Ffioedd lechyd Planhigion etc.) (Cymru) (Diwygio) (Ymadael â'r UE) 2020. Bydd 'bwlch aer' yn bodoli hyd nes y gwneir Rheoliadau Paratodau Cig (Diwygio ac Addasiadau Darfodol) (Cymru) (Ymadael â'r UE) 2021 ac y dânt i rym.

Os na ddaw'r offeryn hwn i rym cyn gynted â phosibl, byddai'r 'bwlch aer' hwn yn golygu, yn ystod y cyfnod interim hwn, y byddai'n dechnegol anghyfreithlon mewnforio paratodau cig wedi'u hoeri i Gymru, a fyddai'n cael effaith negyddol ar y gadwyn cyflenwi bwyd.

Mae Lloegr a'r Alban yn gwneud offerynnau cyfatebol i ddileu'r amod mewnforio hwn. Heb gysondeb, byddai mewnforwyr mewn helbul. Er mwyn sicrhau gorfodadwyedd parhaus â gweddill y DU, a lleihau hyd y 'bwlch aer', bu angen anwybyddu'r confensiwn 21 diwrnod.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Correspondence.Rebecca.Evans@gov.wales
Gohebiaeth.Rebecca.Evans@lyw.cymru

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

O ystyried mai amcan yr OS yw cadw'r rhyddid presennol i fewnforio paratodau cig wedi'u hoeri, ystyriwyd nad oedd angen cynnal ymgynghoriad nac Aseiad Effaith Rheoleiddiol. Fodd bynnag, paratowyd Memorandwm Esboniadol a atodir er gwybodaeth. Mae wedi'i osod, ynghyd â'r Rheoliadau, gerbron y Swyddfa Gyflwyno

Anfonir copi o'r llythyr hwn at Mick Antoniw AS, Cadeirydd y Pwyllgor Deddfwriaeth, Cyfiawnder a'r Cyfansoddiad, Sian Wilkins, Pennaeth Gwasanaethau'r Siambr a Phwyllgorau a Julian Luke, Pennaeth Gwasanaeth y Pwyllgorau Polisi a Deddfwriaeth.

Yn gywir,

A handwritten signature in black ink that reads "Rebecca Evans." The signature is written in a cursive, flowing style.

Rebecca Evans AS/MS

Y Gweinidog Cyllid a'r Trefnydd
Minister for Finance and Trefnydd